

«Մխիթար Սեբաստացի» կրթահամալիր
Ստեղծողի մոբիլ դպրոց
2017-2018 ուսումնական տարի
1-3-րդ դասարաններ. «Իմացումի հրճվանք»
Ուսումնական առաջին շրջանի կազմակերպում

Բովանդակություն	Ժամաքանակ					
	I		II		III	
	Շաբ.	Տար.	Շաբ.	Տար.	Շաբ.	Տար.
Ընդհանուր բաղկացուցիչ						
Մայրենի	5	160	5	160	5	160
Անգլերեն	2	64	2	64	2	64
Ռուսերեն	2	64	2	64	2	64
Մաթեմատիկա	4	128	4	128	4	128
Ես և շրջակա աշխարհը	2	64	2	64	2	64
Երաժշտություն, պար	2	64	2	64	2	64
Կերպարվեստ, տեխնոլոգիա	2	64	2	64	2	64
Ֆիզկուլտուրա	3	96	3	96	3	96
Շախմատ և տրամաբանական այլ խաղեր	1	32	1	32	1	32
Սովորողի ընտրությամբ բաղկացուցիչ						
Սովորողի ընտրած գործունեություն	2	64	2	64	2	64
Տնային ուսումնական աշխատանք						
Լրացուցիչ կրթություն						

Ուսումնական պլանի պարզաբանումներ

1. Ուսումնական պլանը «Ստեղծողի մոբիլ դպրոց» հեղինակային (պետական այլընտրանքային) կրթական ծրագրի (այսուհետ՝ Ծրագիր) սովորողի ուսումնառության պայմանագրի հավելվածն է:

Սովորողի ծնողի հետ պայմանագիր կնքելիս մանրամասն ներկայացվել է ուսումնական պլանը, որից հետո կցվել է ուսումնառության պայմանագրին: Այսպես արվել է 1-ին դասարանցիների, այլ դասարանաներ ընդունվողների դեպքում, իսկ անհատական ուսումնական պլանը սովորողի ու ծնողի հետ նայելուց հետո դարձել է ուսումնառության պայմանագրի հավելված:

2. Կրթական ծրագիր ընդունվում է այն սովորողը, որի ծնողն (օրինական ներկայացուցիչը) ընտրում է ծրագիրը և սահմանված կարգով պայմանագիր կնքում ուսումնառության մասին:

Բոլոր սովորողների հետ կնքված է ուսումնառության անհատական պայմանագիր:

Պայմանագրի 2-րդ օրինակը սահմանված կարգով ուղարկվել է ծնողի էլ հասցեին:

- մինչև 2017թ. դեկտեմբերի 31-ը 6 տարեկան դարձող երեխան,

2011թ. ծնվածներ, ովքեր անցել են իմացումի հրճվանքի առաջին տարին, սահմանված կարգով հուլիսի 1-ով կնքել են իմացումի հրճվանքի 2-րդ տարվա ուսումնառության պայմանագիր:

2011թ. նոր դպրոց դիմել են 55 ուժորոտ, ովքեր սահմանված կարգով կնքել են ուսումնառության պայմանագիր, կատարել են առաջին ամսվա ուսումնական պայմանագրվով որոշված վճարը: Խմբերի ուսումնական գործունեությունը կազմակերպվում է քուեջում:

3. համապատասխան դասարանի սովորողը (կամ սովորողի զարգացման մակարդակին, առանձնահատկություններին ու պատրաստվածության աստիճանին համապատասխան դասարան՝ սահմանված կարգով):
2-5-րդ դասարան ընդունվել են 10 սովորող, ովքեր սահմանված կարգով անցել են մուքի ճամբարով, ծնողների հետ կնքվել ուսումնառության պայմանագիր:
Ուսումնական պլանը կազմված է ընդհանուր և սովորողի ընտրությամբ բաղկացուցիչներից:
4. Դասարանում սովորողների թիվը 20-25 է: Սովորողի ընտրությամբ գործունեությունը կազմակերպվում է 12-22 հոգիանոց խմբերով:
Նոր դպրոցի դասարաններն ու խմբերը համապատասխանում են ցուցանիշներին:
5. Ուսումնական պլանի պարզաբանումներում նշված կարգերը ուսումնական պլանի հավելվածն են: Դրանք դպրոցի ղեկավարի ներկայացմամբ հաստատում է կրթահամալիրի տնօրենը:
6. Ուսումնական տարին սկսվում է 2017թ. օգոստոսի 30-ին:
7. 2017թ. հոկտեմբերի 30-ից նոյեմբերի 5-ը ուսուցումը, սահմանված կարգով, կազմակերպվում է [«Ուսումնական աշուն» նախագծով](#):
8. Ուսուցումը կազմակերպվում է ուսուցողական թվային միջոցներ կիրառելով: Դասավանդողը և սովորողը դպրոց են գալիս սահմանված տեխնիկական պայմաններին բավարարող անհատական ներթուք-նոթուքով կամ պլանշետով, տանն ունեն համացանց: Ծրագիրը դպրոցում ասպահովում է անլար համացանցից, համակարգչից, ձայնագրիչից, ֆոտոխցիկից ուսումնական նպատակներով անարգել օգտվելու հնարավորություն:
Նոր դպրոցում անլար ինտերնետը լավ վիճակում է, սովորողները դպրոց են գալիս անհատական գործիքով, 1-2-րդ դասարանցիները ունեն դասարանական բլոգ, որը վարում է դասվարը, իսկ 3-րդ դասարանցիները սկսել են բլոգային ուսուցումը: Երնթակայքում հրապարակված են սովորողների [բլոգների հղումները](#):
9. Մեղիագրադարանը, դպրոցի գրադարանը, դասավանդողների բլոգները սովորողին տանը, դպրոցում ասպահովում են անհրաժեշտ ուսումնական էլեկտրոնային և տպագիր նյութերով, միջոցներով:
10. Ուսումնական տարին կազմակերպվում է կրթահամալիրի (դպրոցի, դասարանի, դասընթացի, սովորողի ընտրությամբ գործունեության, լրացուցիչ կրթության, երկարացված օրվա ծրագրի) տարեկան ուսումնական օրացույցով: Դրանցով որոշվում են ուսումնական պարապմունքները և ճամբարները, ստուգատեսները, ծեսերը, տոները, ստեղծագործական այլ հավաքները՝ որպես լրացուցիչ ուսուցում:
Ուսումնական առաջին շրջանում իրականացվող նախագծերը յուրաքանչյուր ամսվա սկզբին հրապարակվել են [ենթակայքում](#). [սեպտեմբեր](#), [հոկտեմբեր](#), [նոյեմբեր](#)
11. Սովորողի ուսումնական առաջադիմությունը, գործունեության արդյունքները, ճամբարներին, ճամփորդություններին, ստուգատեսներին, ֆլեշմոբերին մասնակցությունը, սովորողի մասին

անհրաժեշտ այլ տեղեկություններ սահմանված կարգով էլեկտրոնային գրանցում են ստանում:

Դպրոցի ենթակայքում տեղադրված են սովորողների բլոգները, էլ. Մատյանները, որտեղ գրանցվում են մասնակցությունները:

12. Ուսումնական շաբաթը 5-օրյա է: Ծնողի համաձայնությամբ շաբաթ օրերին կարող են կազմակերպվել լրացուցիչ կրթության պարապմունքներ, հայրենագիտական, ուսումնական ճանփորդություններ, իրականացվել ուսումնական-հասարակական նախագծեր:

13. Բոլոր դասընթացները միավորվում են «Իմացումի հրճվանք» ծրագրում, որը ղեկավարում է դասվարը:

14. Ուսումնական գործունեության ընթացքում սովորողները վարժվում են թվային տեխնիկան՝ համակարգիչ, ֆոտոխցիկ, ձայնագրիչ, անվտանգ, խնամքով օգտագործելուն: Յուրացնում են նկարչական ծրագիր, սովորում են իրենց կարիքների համար օգտագործել տեքստային որևէ խմբագիր: Կարողանում են համացանցում գտնել իրենց հետաքրքրող ֆիլմեր, խաղեր: Տեխնիկական օգտագործում են կարդալ և գրել սովորելու համար:

Ստեղծված ուսումնական նյութերը հրապարակված են դասարանական բլոգներում, յուրաքանչյուր դասարան ունի դասարանական ռադիո-խմբագրություն, ռադիո-թողարկումները հրապարակվում են բլոգներում:

15. Ուսումնական օրը ներառում է Ծրագրի 15 բույե տևողությամբ ընդհանուր պարապմունք՝ սահմանված կարգով և ծրագրով:

Ընդհանուր պարապմունքը կազմակերպվում է Նոր դպրոցի սրահում, մասնակիցներն են՝ 1-5-րդ դասարանիները: Ընդհանուր պարապմունքը սկսվում է առավոտյան 9:00, ավարտվում է՝ 09:15: Յուրաքանչյուր ամսվա 1-ին օրացույցում հրապարակվում է պատասխանատու դասարանների ցուցակը: Պատասխանատու դասարանը բլոգում, ենթակայքում հրապարակում է շաբաթվա ծրագիրը:

16. «Իմացումի հրճվանք» ծրագիրը ներառում է շրջապատի կամ նյութական միջավայրի բարելավման նախագծեր:

17. Ուսուցման կազմակերպման մեջ սահմանված կարգով կիրառվում են ստկա, հեռավար, սոցանց, տնային ուսուցման ձևեր:

18. Անգլերենը և ռուսերենը ամենօրյա ուսումնական պարապմունքներ են:

1-3-րդ դասարաններում օտար լեզուն ամենօրյա է 20ր, 1-2րդ դասարանում բանավոր, 5 տարեկանների իմացումի հճվանք ծրագրում օտար լեզվի ծրագիրը կազմակերպում է դասվարը:

19. «Ես և շրջակա աշխարհը» դասընթացը կազմված է «Ես և ինձ շրջապատող մարդիկ», «Անվտանգ երթևեկություն», «Մեր բակը», «Իմ քաղաքը», «Հայաստան», «Երկիր մոլորակ», «Տիեզերք», «Իմ խնամած բույսերը», «Իմ խնամած կենդանիները» ուսումնական նախագծերից:

20. «Երաժշտությունը» ներառում է խմբային երգ, պար, երաժշտության ունկնդրում, ռիթմիկա-շարժում, երաժշտական գործիքների հետ ծանոթացում, երաժշտական խաղեր:

Երաժշտության դասընթացը կազմակերպում է դասվարը՝ մասնագետի

խորհրդատվությամբ: Երաժշտության դաստիարակը շաբաթական մեկ ժամ 1-3-րդ

դասարաններում դասվարի հետ իրականացնում է երգի-պարի ուսուցման դասընթաց:

21. «Կերպարվեստ և տեխնոլոգիա» դասընթացը ներառում է «Նկարչություն», «Խեցեգործություն», «Աշխատանքային հմտություններ»: Իրականացվում են բացօթյա պլեներներ:

Այս դասընթացը կազմակերպվում է դասվարը:

22. Տիզկուլտուրան կազմակերպվում է ամենօրյա պարապմունքներով, որոնք ներառում են մարմնամարզական վարժություններ, շարժուն խաղեր, հեծանիվ:

Առաջին դասարանցիները շաբաթական մեկ անգամ լողում են: Ծրագրի մաս են նաև քայլարշավները, բարձունքների արշավելը, որոնց ընթացքում սովորողները ծանոթանում են անվտանգ գործունեության տարրերին:

Նոր դպրոցում 1-3-րդ դասարանում ֆիզկուլտուրա դասընթացը վարում է դասվարը:

Մարմնամարզության մեկ դասաժամ դասվարը իրականացնում է Մայր դպրոցի

մարմնամարզական դահլիճում, մյուս ժամը՝ նոր դպրոցի բակում, մազաքահում: Առաջին

դասարանցիների լողի ուսուցումը սեպտեմբեր ամսին կազմակերպվել է Նոր դպրոցի

լողավիում, սեպտեմբերի 20-ից լողուսուցումը կազմակերպվում է Դպրոց-պարտեզի

լողավազանում: Առաջին դասարանցիները դասվարի, ուսուցչի օգնականի հետ շաբաթը մեկ

անգամ, ըստ ժամանակացույցի, քայլարշավով անցնում են վերանանցումով, հասնում դպրոց-

պարտեզի ծածկած լողավազան, մեկ ժամ լողում, քայլելով վերադառնում Նոր դպրոց: 2

խումբ էլ 5 տարեկաններն են, նրանց լողի ուսուցումը կազմակերպվում է նույն ձևով:

1-3-րդ դասարաններում հեծանվային ուսուցման կազմակերպում:

Սովորողներ, ովքեր չգիտեն. Կազմակերպում է ուսուցչի օգնականը՝ անհատական

ուսուցմամբ, վայր՝ Նոր դպրոցի սրահ, Բ-1 խաղահրապարակ

23. Սովորողն իր ընտրությամբ շաբաթական 2 ժամ մասնակցում է «Երաժշտական գործունեություն», «Կերպարվեստ», «Մարմնամարզություն», «Մաթեմատիկա բանավոր» դասընթացներից մեկին:

Նոր դպրոցի կազմակերպումը

1-3-րդ դասարաններում 2 ժամ ընտրությունը առանձին օրեր են, առաջինները՝ առանձին,

երկրորդները՝ առանձին, երրորդները՝ առաջին, խմբերը մեծ էին դրա համար ենք այդպես

արել: Սովորողները ընտրել են Մարմնակրթություն, կերպարվեստ, բանավոր մաթեմատիկա:

Մարմնակրթությունը պարապում է Դավիթ Ֆահրադյանը, սովորողներին ուղեկցում է

դասվարներից մեկը, մյուսը՝ պարապում է բանավոր մաթեմատիկա դասընթացը, որի

ծրագիրը դասվարը նախօրոք քննարկել է մենթոր ուսուցչի՝ Լիանա Հակոբյանի հետ:

Կերպարվեստը պարապում է Հասմիկ Թովչյանը:

24. Տնային ուսումնական աշխատանքը սովորողի և ծնողի համաձայնեցված ընտրությամբ լրացուցիչ աշխատանք է:

25. Լրացուցիչ կրթությունը դաշնամուրի, սզգային նվագարանի, վոկալի, պարի, թատրոնի, կերպարվեստի, խեցեգործության-քանդակի, շախմատի, լողի, հեծանվի, մարմնամարզության, թեթև աթլետիկայի ուսումնական գործունեությունն է, երկարացված օրվա ծրագիրը, որոնց կազմակերպման համար սովորողի ծնողի հետ կնքվում է լրացուցիչ կրթության

պայմանագիր՝ որպես ուսումնատրության պայմանագրի հավելված: Սովորողը կարող է

լրացուցիչ ուսուցման դասընթաց ստանալ նաև կրթահամալիրից դուրս, սահմանված կարգով:

1-3-րդ դասարաններում երկարացված օրվա պայմանագիր կնքել են 105 սովորող, լող, հեծանվի

լրացուցիչ կրթության պայմանագիր կնքել են 5 տարեկանները, 1-ին դասարանցիները:

26. Դասավանդողի բլոգին, դպրոցի, կրթահամալիրի կայքերին հետևելը և դրանց աշխատանքին մասնակցելը, էլեկտրոնային անձնական հասցեն վարելը սովորողի ուսումնական աշխատանքն է: Խրախուսվում է սովորողի անձնական ուսումնական բլոգի ստեղծումը և վարումը:

5 տարեկանների, 1-3-րդ դասարանների դասվարները վարում են դասարանական բլոգները, որոնք հրատարակված են ենթակայքում, 3-րդ դասարանցիների անհատական բլոգները բացված են, Աշնանային հավաքի օրերին ներկայացրել են, արդեն սկսել են աշխատել:

27. Ուսումնական պարապմունքները սահմանված կարգով ընդմիջվում են ուրախ մարմնամարզությամբ:

Առանց զանգի ուսուցման կազմակերպման դեպքում ն' մարմնամարզությունը, ն' շախմատը, ն' սեղանի խաղերը, ն' հեծանիվ վարելը, ն' երաժշտության ունկնդրությունը հանգստանալու լավ միջոցներ են կրտսեր դպրոցում:

28. Ուսումնական պարապմունքները սահմանված կարգով կազմակերպվում են հիգիենիկ միջավայրում, այդ թվում՝ բացօթյա:

Բաց համակարգը, կանաչ լանջերը, բակերը բաց ընթերցանության, պլեներների, պարապմունքների կազմակերպման լավ միջավայր են: Այս ուսումնական տարում բացօթյա պարապմունքների համար արդյունավետ է պաղոնների օգտագործումը:

29. Սահմանված կարգով իրականացվող ուսումնական ճամփորդությունները ուսումնական գործունեության բաղկացուցիչն են:

Դասվարները ուսումնական ճամփորդությունների նախագծերը հրատարակում են դասարանական բլոգներում, սահմանված կարգով ուղարկում են հայտը, ուսումնական ճամփորդությունները սահմանված կարգով էլեկտրոնային գրանցում են ստանում, որոնք կիսամյակային աճի բնութագրերի մեջ ցուցանիչ են:

30. Մովորողը սահմանված կարգով մասնակցում է ինքնասպասարկմանը:

31. Կրթության առանձնահատուկ պայմանների կարիքով սովորողի ուսուցումը կազմակերպվում է անհատական ուսումնական պլանով:

32. Տեսական շրջան Հայաստանից բացակայած, տարբեր պատճառներով ուսումնական ծրագիրը չյուրացրած սովորողի համար կրթական ծրագիրը սահմանված կարգով կարող է կազմակերպվել անհատական ուսումնական ծրագրերով:

33. Հիգիենիկ պահանջների պահպանումը, ուսումնական ներքին և արտաքին տարածքների և գույքի խնամքը նաև սովորողի ինքնուրույնության և ինքնասպասարկման արդյունք են:

34. Մովորողի ուսումնական աշխատանքը գնահատանիշով չի գնահատվում: Յուրաքանչյուր կիսամյակի ընթացքում սովորողի անհատապես և խմբով կատարած աշխատանքները, այդ թվում՝ սովորողի մասնակցությամբ ստեղծված և էլեկտրոնային ցանցերում տեղադրված նյութերի հղումները, գործունեության յուրաքանչյուր բնագավառից աշխատանքները էլեկտրոնային տարբերակով ներկայացվում են նրա կամ դասարանի բլոգում (էջում): Մովորողի ստեղծած այլ տեսակի արդյունքները սահմանված կարգով ներկայացվում են ցուցադրություններում, ցուցահանդեսներում, ստուգատեսներում, ստեղծագործական հավաքներում: Յուրաքանչյուր սովորողի համար, սահմանված կարգով և ժամկետներում, լրացվում է զարգացման բնութագիր, որում ներկայացվում են սովորողի արժեքային համակարգը, նրա կողմից յուրացված գիտելիքների, կարողությունների, հմտությունների որակական բնութագիրը: Մովորողի ծնողը սահմանված կարգով մասնակցում է իր երեխայի բնութագրի, բլոգի վարման աշխատանքներին: